

NAFARROAKO FORU KOMUNITATEKO LEHEN EHIZA-BAIMENA LORTZEKO PROBA

1-A AZTERKETA

**Galdera bakoitzean erantzun bakarra da zuzena.
Erantzun zuzen bakoitzak puntu 1 balio du.
Erantzun oker bakoitzagatik 0,33 puntu kenduko dira.
Erantzun gabeko galderek ez dute ez punturik ematen ez kentzen.
Proba gainditzeko 15 puntu lortu behar dira.
Marka itzazu erantzunak erantzun-orrian.**

1. Natura 2000 sarea entzuten dugunean, zer da?
 - a) Estatu bakoitzeko Parke Nazionalen Sarea.
 - b) Europako sare ekologiko bat, helburu nagusia duena Europar Batasuneko dibertsitate biologikoa edo biodibertsitatea kontserbatzea.
 - c) Sare mota bat, 2000. urtean sortu zena, pagausoak harrapatzeko.
2. Ehiztarien bilera batean eztabaida sortu da ea beharrezkoa ote den arma gainean eramatea ehizan ari zarela esateko; baieztapen hauetatik zein da egia?
 - a) Arma gainean eraman behar da nahitaez pertsona bat ehizan ari dela esan ahal izateko.
 - b) Ez da beharrezkoa, nahikoa da beste bati ehizakia harrapatzen laguntzea.
 - c) Ehizan ari dela esan daiteke bakar-bakarrik tiro egiten duenean.
3. Ehizan aritu ahal izateko, aldian-aldian berritu behar da nafarroako ehiza lizentzia?
 - a) Bai, eta urtero ordaindu beharra dago tasa bat.
 - b) Ez, behin ateraz gero bizi guztirako balioko digu.
 - c) Bi aldiz bederen berritu behar da bizian, eta betiere behar den tasa ordainduta.
4. Nafarroako foru komunitateko ehiza espezieen zerrendari dagokionez, den-denak ehizatu daitezke urtero?
 - a) Bai, urtero ehizatu daitezke espezie berberak.
 - b) Bai, izan ere Ehiza Debekualdiei buruzko Xedapenak urtero seinalatzen ditu ehizatu daitezkeen espezie berberak.
 - c) Ez, Ehiza Debekualdiei buruzko Xedapenak urtero seinalatzen ditu zerrenda horretako zein espezie, subespezie edo populazio ehizatu daitezkeen.
5. Azeria sailkatu nahi bagenu, zein kategoriatan sartuko genuke?
 - a) Arra eta heldua baldin bada, ehiza larriko espezieen artean, eta emea edo gaztea bada, ehiza xeheko espezieen artean.
 - b) Ehiza xeheko espezieen artean.
 - c) Ehiza larriko espezieen artean.
6. Nafarroan, eperra erreklamo bidez harrapatzea debekaturik dago.
 - a) Egia.
 - b) Gezurra, ehiza mota hori bakarrik hegoaldean dago debekaturik.
 - c) Gezurra, ehiza mota hori bakarrik iparraldean dago debekaturik.

7. Ehiza aprobetxamendua antolatzeke orduan, beste baliabide eta helburuak ere hartu behar dira kontuan, hala nola naturaren kontserbazioa, nekazaritza-basogintza jarduera, landa garapena, aisialdi eta josteta jarduerak, eta abar.
 - a) Ez nahitaez, euren interesak kontrajarriak izan daitezkeelako.
 - b) Bai, denek eremu bera partekatzen dute eta zuzeneko harremanak dituzte.
 - c) Ez, aprobetxamendu bakoitza aparte kudeatu behar da.
8. Nafarroako hegoaldeko zereal lurretako zelai batean, habitata hobetzeko ondoko jarduera hauen artean, zein uste duzu dela egokiena?
 - a) Sastrakak usu dauden lekuetan bakanketa lanak egitea eta soilguneak sortzea, oreinek belarra aiseago aurki dezaten.
 - b) Faunarako ereintzak egitea, hau da zerealak eta lekariak landatzea mosaiko gisa, eta ura edateko tokietarako bideak hobetzea.
 - c) Hoberena da barrutia janleku eta edanleku artifizialez betetzea.
9. Ehizazainaren eginkizunak direla-eta, baieztapen hauetatik zein dago oker?
 - a) Ehizazainaren eginkizun bakarra da isilpeko ehiztariak kontrolatzea.
 - b) Ehizazaina da praktikan jarri behar duena barrutiko titularrak eta teknikariak adostu duten kudeaketa.
 - c) Ehizazaina da bere barrutiko aprobetxamendu arrazionala egiteko moduak jarri behar dituen.
10. Koloreari dagokionez, basahateen dimorfismo sexuala da:
 - a) Arrak ikusgarriak dira eta emeak apalxeagoak.
 - b) Emeak ikusgarriak dira eta arrak apalxeagoak.
 - c) Ez dute dimorfismo sexualik agertzen.
11. Oilagor-ehizara atera nahi dugu; hortaz, barruti batzuk aukeratuko ditugu, betiere honakoak dituztenak:
 - a) Larreak eta belardiak.
 - b) Arboladiak.
 - c) Eremu hezetsuak.
12. Eper gorrien portaera da:
 - a) Migratzailea.
 - b) Sedentarioa.
 - c) Bitakoa, hau da, Espainiako hegoaldera migratzen dira negua gogorra denean.
13. Oraindik ez da migrazio garaia eta ematen du galeperrak desagertu direla geure ehiza barrutitik:
 - a) Ez da egia, kontua da gutxiago kantatzen dutela eta ezkutuagoan ibiltzen direla.
 - b) Izan daiteke, zeren eta sumatzen badute bizi-baldintza okerragoak direla alde egiten baitute.
 - c) Egia da, baina harrapakari sobera daudelako gutxitu dira.

14. Hegan doanean, pagausoa ezagutuko dugu:
 - a) Bi marra beltz dituelako hegala hondo urdinxkaren gainean.
 - b) Zuriune batzuk dituelako hegala erdialdean eta lepoaren alboan.
 - c) Ez du ez beltzunerik ez marra beltzik.
15. Birigarroak ehizatze modalitateak direla-eta, esan dezakegu gehienetan:
 - a) Galeperren eta usapalen ehiza sasoi berberetan ehizatzen direla, erdi-debekualdian.
 - b) Pagausoaren ehiza sasoi berean ehizatzen dela, postu finkotik.
 - c) Pagausoaren ehiza sasoi berean ehizatzen dela, etxolatik.
16. Nafarroan, erbiaren bi espezie daude:
 - a) Gezurra da, espezie bakarra dago.
 - b) Egia da, erbi europarra eta piornaleko erbia (erratz-erbia).
 - c) Egia da, erbi europarra eta erbi iberiarra.
17. Argi ditzagun untxiaren eta erbiaren arteko desberdintasunak.
 - a) Untxiaren gorpuzkera handiagoa da, hankak luzeagoak ditu, gorputza mardulagoa eta belarrien muturretan ez du marka beltzik.
 - b) Untxiaren gorpuzkera txikiagoa da, hankak laburragoak ditu, gorputza ez da hain lerdina eta belarrien muturretan marka beltzak ditu.
 - c) Untxiaren gorpuzkera txikiagoa da, hankak laburragoak ditu, gorputza ez da hain lerdina eta belarriak nabariak, baina txikiagoak eta muturretan ez du marka beltzik.
18. Uxaldiko adiskide batek esan digu basurde eme bat ikusi duela, basurdekume marradunek atzetik segitzen ziotela.
 - a) Basurde emea da eta basurdekumeak seguru aski 6 hilabetetik beherakoak.
 - b) Basurde emea da eta basurdekumeak seguru aski 6 - 12 hilabetekoak, gutxi gorabehera.
 - c) Basurde emea da atzetik segika dituela aurreko urteko basurdekumeak (urtebetetik gorakoak).
19. Ehiza sasoi orokorrean (urritik urtarrilera) oso ongi bereizten ahal ditugu orkatz arrak beren adarrengatik.
 - a) Bai, zeren eta emeek ez baitute adarrik eta arrek bai.
 - b) Ez beti, zeren eta sasoi horretan izaten baitute gehienetan adar galtzea ("desmogue") eta adarberritzea.
 - c) Bai, zeren eta sasoi honetan ez baita "desmogue" delakoa gertatzen; hori maiatzean gertatzen zaie.
20. Ekosistemaz ari garenean, ari gara:
 - a) Izaki bizidunen komunitateen multzoaz.
 - b) Izaki bizigabeen (klima, lurzorua, erliebea,...) elementuen multzoaz.
 - c) Izaki bizidunen komunitateen eta bizigabeen (klima, lurzorua, erliebea,...) elementuen multzoaz.
21. Nafarroako erdialdeko eskualdeko klimaz ari bagara, esan dezakegu:
 - a) Batez ere Atlantikoaren eragina duela.
 - b) Batez ere Mediterraneoaren eragina duela.
 - c) Transiziokoa dela, klima atlantiarren eta mediterraniarren artekoa.

22. Zein espezie dago egokituago klima mediterraniarrera, karraska edo pagoa?
- a) Karraska, nahiz eta hori ere aurki daitekeen ibar atlantiarretan.
 - b) Pagoa, udan euri gehiago behar duelako.
 - c) Karraska, eta haren hedapena ez da Iruñeritik gora igotzen.
23. Nafarroako estepetan dagoen hegazti propioa da:
- a) Basoiloa.
 - b) Arrano beltza.
 - c) Basoilarra.
24. Erriflearekin tiro egiten ahal zaio ehiza xeheko ehizaki bati?
- a) Ez, debekatua dagoelako ehiza xeheko espeziei metalezko kartutxoekin tiro egitea.
 - b) Ez, debekatua dagoelako ehiza xeheko espeziei erriflearekin tiro egitea.
 - c) Bai, baina bakar-bakarrik azeriari eta ehiza larriko modalitateetan.
25. Eskopeta erdi-automatiko batean, gehienez zenbat kartutxo sartzen ahal dira barrenean?
- a) 2.
 - b) 3.
 - c) 5.
26. Eskopeten kalibreetan, zein da handiena?
- a) 12koa.
 - b) 16koa.
 - c) 20koa.
27. Zein zakur mota dira hoberenak basurde ehizan aritzeko nafarroako mendietan?
- a) Zakur erakusleak (gelditxakurrak).
 - b) Arrastoko zakurrak.
 - c) Euste-zakurrak ("agarre").
28. Kanpoan ehizan ari garenean gogoratu behar dugu:
- a) Gainerako kolektiboek ere badutela inguruneaz gozatzeko eta baliatzeko eskubidea.
 - b) Kuota ordaintzen dugunez, aisialdietako gainerako erabiltzaileek gure lehentasuna errespetatu behar dutela.
 - c) Aldi berean erabiltzeko garaian gorabeherarik gertatuz gero, momentuan egin beharko da zozketa jakiteko zeinek duen lehentasuna, betiere gutxienez bi lekuko bertan izanda.
29. Basurdearen uxaldi ehizan ari garela, arma noiz sartuko dugu zorroan deskargatu ondotik?
- a) Autoan alde egiteko sartzen garenean, lehenago ez; izan ere basurde zaurituren bat ager daiteke.
 - b) Uxaldia bukatutzat ematen den momentuan, eta postutik atera baino lehen.
 - c) Beste ehiztariekin bat egiten dugunean elkartzeko tokian.

30. Galeper ehizan ari bagara, nafarroako hegoaldeko barruti batean eta erdi-debekualdian, bereziki erne egon behar dugu gertatzen ahal diren nahasteekin, alegia espezie hauekin:
- a) Eper gorri gazteekin.
 - b) Erbi europar gazteekin.
 - c) Oilagor gazteekin.

ERRETSERBA GALDERAK

31. Mendian zehar gabiltzala, animalia hilak edo lesioren bat dutenak edota ohiz kanpoko portaera dutenak ikusten baditugu:
- a) Hoberena da handik alde egitea, eta ikararik ez sortzen ahalegintzea.
 - b) Animalia horiek hil behar dira, eta berehala lurperatu.
 - c) Ahalik eta lasterren egoeraren berri emanen zaie ehiza-arduradunei eta animalia-osasuneko arduradunei.
32. Nafarroan ehizan aritzeko, gaur egun zein legeri begiratu behar zaio?
- a) Bakar-bakarrik Nafarroako foru araudiari.
 - b) Bakar-bakarrik Estatuko araudiari.
 - c) Halako marko hierarkizatu bati, lehenengo nazioarteko araudiei eta azkenik Nafarroako foru araubideari.
33. Zergatik deitzen zaio “korridore ekologikoa” halako ibai- tarteari, non bere horretan mantentzen den bertako landaredia, eremu andegatueta barna eta gizakiaren presio handia dagoen tokitik igarotzen denean?
- a) Hain zuzen ere bertan bizi diren espezieak korrika ibiltzen direlako ibaiertzetan.
 - b) Ahalbidetzen duelako populazio zatikatuaren arteko fluxua, eta tarte horiek gabe erabat bereiz egonen liratekeelako.
 - c) Hain zuzen ere halako tokietan ehizatzea erabat debekatua dagoelako, eta gutxi batzuk bakarrik igarotzen ahal direlako hortik, betiere oinez eta horretarako baimen berezia izanda.